

卷十三



欽定宗人府則例卷之十三目錄

授官

不入八分公鎮國將軍輔國將軍應廢品級

一品廢生扣補行走衙門選缺

廢生

奏留補缺

選缺經歷主事

部院宗室主事



迴避人員通補各衙門各缺

庶吉士散館未經

奏留人員

題准議敘人員插班截補各衙門各缺

議敘人員分別補缺專條

此次纂入

一不入八分公鎮國將軍輔國將軍應廕品級

不入八分公
鎮國將軍

廕七品

輔國將軍

廕八品

同治元年三月二十日奉

上諭宗人府奏恩詔內應行查辦廕生品級請旨遵

行等語不入八分公以下鎮國將軍輔國將軍宗

室內為一二品大臣者均准給廕會典所載例有

明文不入八分公嫡出子與鎮國將軍嫡出子均

係應封輔國將軍品級亦屬相等惟不入八分公
子弟該衙門應廕品級溯查道光元年咸豐元年
兩次查辦廕生均無辦給成案亦無因何不行給
予明文此次辦理恩廕若不一體給予俾得共沐
恩施未免向隅所有不入八分公子弟著准其按照
鎮國將軍品級給予七品廕生以昭平允此旨並
著纂入宗人府則例永遠遵行欽此

一奏留一品廕生扣補行走衙門選缺

原註照吏
部分部廕

生二年期滿甄別留部補用之員已經帶領
引見遇有缺出知照吏部照例題補例

凡宗室一品廕生奉

旨以文職用者應由吏部籤掣本府及各部院衙門
以副理事官宗室員外郎額外行走二年期滿
由本管堂官照例甄別奏留補用者帶領引

見奉

旨後遇有選缺副理事官宗室員外郎缺出准其扣

留一缺截選補用原註吏部定例照奏留人員之例具摺奏補毋庸再行

引見行走平常不能辦理事務者咨回該旗隨

旗行走原註如宗室二品廕生以主事用者除

較先後分別補用外其餘均與宗室一品廕生同

嘉慶十三年奉

上諭御史史祐奏請勅諭部院堂官及各省督撫照例

嚴行甄別捐班及各項學習試用人員以肅吏治而

勵人材一摺所奏甚是捐班各項人員在部院學習

行走及分發各省試用期滿後該堂官督撫等均應

秉公考覈用副澄敘官方之意前經明降諭旨著為

定例乃近日學習試用人員各部院堂官等無不奏

請留用外省督撫等亦從未甄別一人未免相率因

循意存姑息見好沽名市恩邀譽實為近年內外臣

工之通病試思學習試用字樣原以該員等初登仕

版其才具堪以造就與否尚未可知若一味優容漫

無區別必致庸劣之員亦得濫竽僥倖其何以示懲

勸而別賢愚嗣後該堂官督撫等惟應恪遵定例嚴行甄覈倘該員學習試用期滿時稍存遷就或於保奏之後致有貽誤曠職情事即惟該堂官督撫是問必當加以懲處設更有婪贓犯科者並將原保之堂官督撫等加倍治罪勿得視為具文也欽此

是年又奉

上諭昨據御史史祐條奏請嚴行甄別捐班及各項學習人員一摺已明降諭旨飭令秉公考覈毋得市恩

邀譽自干咎戾該部院堂官等若仍視為具文一味優容見好不復加之澄汰固屬甘蹈愆尤倘經此次嚴飭遂有意從苛將學習行走人員不辨賢愚優劣於期滿後率多咨駁恐亦不免屈抑人材若俟帶領引見時專候朕裁該員等平日賢否勤惰既難一望而知且其才具堪以造就與否亦不能盡以貌取嗣後捐班及各項學習行走人員如果堪以奏留者於報滿時著該堂官等出具切實考語帶領引見不得

僅以留心部務行走勤慎虛詞含混搪塞若才具平庸隨時甄別奏駁亦可不必專候期滿庶免壅滯而收實益欽此

道光二年八月初九日奉

上諭朕本日恭閱

皇考仁宗睿皇帝實錄內載嘉慶十六年六月奉

聖諭部院捐納各員俱係籤分學習行走既云學習則必有優劣之殊該堂官於行走年滿時自當詳加甄

別乃近來各該堂官於捐納報滿人員無不保留一味市恩邀譽祇圖見好於人不顧登進之濫不辨賢否之別近來大員俱中此病朕實寒心等因欽此仰見

皇考澄敘官方隨時訓飭至意朕思各部院行走司員不獨捐納一項卽正途出身人員籤分學習於行走年滿時亦照例由該堂官察看分別奏留此等人員奏留後卽可循資得缺以次洊陞迨俸滿截取便膺

外任若於奏留時不嚴行甄別則庸劣闖茸之員均得濫竽充數一經外任必致貽悞地方不可不慎之於始嗣後各部院堂官於所屬學習行走年滿司員無論捐納正途務當破除積習秉公和衷據實甄別毋得瞻徇情面濫行奏留如有任意姑容不加察覈將來該員得膺外任於引見召對時經朕看出或別經訪聞查有劣蹟惟該堂官是問將此通諭知之欽

此

道光九年二月二十五日奉

上諭各部院學習行走人員才具優劣差使勤惰並其平素行止若何該堂官俱當留心察看於其行走年滿時嚴定去取分別咨留始無浮濫近來各衙門報滿之員該堂官多係保留而咨回吏部者甚少未免無所區別著通諭各部院堂官嗣後務將所屬賢否秉公查察於應留者准其奏留不應留者卽據實咨部不准姑容並著吏部詳加稽覈除各該衙門奏留

欽定宗人府則例 卷一百一十五
人員不計外其咨出之員於每年年終彙奏一次以
資查考而昭覈實欽此

一廕生奏留補缺

凡宗室廕生年至二十歲以上者由府查明咨
送吏部帶領引

見恭候錄用若奉

旨以員外郎主事用者由吏部籤分本府及各部院

額外學習行走二年期滿如有才識出眾之員

准其該堂官指名奏留補用

原註如無宗室題
缺各衙門不准奏

留題如照例奏留補用由該管堂官出具考語

奏留照例以應得選缺補用若奉

旨以七品筆帖式八品筆帖式用者應在本府以筆帖式額外學習行走二年期滿由領府事王等出具考語奏留無論品級均按本府奏留日期先後輪應廕生班次以本府七品筆帖式員缺補用若有行走平常不能辦理事務者二年期滿後無論何項廕生均應咨回該旗隨旗行走

嘉慶六年奉

上諭八旗大員廕生年已及歲者俱由各該旗咨報吏部帶領引見分別錄用惟宗室廕生向無引見之例朕思自前年以來六部各衙門已定有宗室額缺並准宗室子弟應鄉會試以廣登進之路則宗室廕生自宜一體任用所有嘉慶元年宗室廕生俱著加恩交宗人府查明於及歲時送吏部帶領引見俟朕分別錄用以示錫類推恩至意欽此

嘉慶六年吏部為宗室廕生分別錄用帶領引

見後

奏定除奉

旨以侍衛用之宗室剛阿塔明魁二員移咨侍衛處辦理外查定例滿洲廕生以文員用者照新進士之例籤掣照伊等品級給與俸祿分派各部院衙門學習試看二年期滿如果行走勤慎熟習部務該堂官出具考語據實奏

聞照例銓選其有才識出衆之員該堂官指名具題

卽行補用如行走平常不能辦理部務者咨回該旗行走等語今奉

旨以主事用之二品廕生宗室連祥等三員應卽照滿洲廕生之例掣分各部行走查嘉慶四年三月奏准於部院司員內撥出宗室十六缺內主事一項吏部禮部刑部工部各一缺臣等酌議各配籤一枝又宗人府額設主事六缺缺分較多應配籤二枝請將連祥等三員籤掣宗人府及

各部額外主事上行走俟二年期滿在宗人府行走者由宗人府甄別辦理在各部行走者由各部甄別辦理至三品廕生宗室恒傑等二員奉

旨以宗人府七品筆帖式用四品廕生宗室文隆等五員奉

旨以宗人府八品筆帖式用應令在宗人府額外筆帖式上行走俟二年期滿由宗人府照例甄別再

查各衙門七八九品筆帖式並無品級定額得缺後俱照各該員出身授為品級惟宗人府額設筆帖式二十缺俱係七品此次恒傑等二員奉

旨以七品筆帖式用應遵

旨補授該衙門七品筆帖式其文隆等五員奉

旨以八品筆帖式用應即照各衙門之例遵

旨授為八品仍與七品各員一體按照原題先後敘補

其分別授品食俸之處由宗人府戶部查照辦理

嘉慶二十五年八月二十五日恭逢

恩詔內開武職在京在外二品以上照現任品級各廕一子入監讀書等因欽此復准兵部咨原題內民公侯伯子男年未及歲者此等世職因有祖上微勞得支半俸養贍已屬

國家教育勳裔至優極渥之典若再一體與廕未

免俸邀前經奏准將食半俸未當差之世職停其給廕等因所有年未及歲食半俸三等輔國將軍載安應照例停其給廕

一補用選缺經歷主事應以咨留七缺一輪為正

班原註此係本府 奏明宗室經歷主事選缺班次故為正班

凡選缺不分經歷主事統計七缺為一班咨一留二咨一再咨一留二週而復始除奉

特旨賞以主事儘先用者始准遇有選缺儘先補用

仍無庸過七缺內咨留本班此外如首出之第

一缺應咨准其比照陞不壓調之例以三庫檔

房年滿及調京人員按奉

旨先後調補一人次出之第二第三等缺均應留准
 其將本府各項奏留人員原註或額外行走之文進士繙譯進士三年期滿奏留候補廕生二年期滿奏留候補或庶吉士散館以主事用額外行走奏留候補各項奏留人員挨次各補用一人又次出之第四缺應
 咨准其將奉

旨指明以宗人府主事用之員補用一人再次出之

第五缺亦應咨准其將無論題選五缺後到班

人員原註在旗候選繙譯進士廢員奉旨以主事用翰詹官員大考奉旨

事用部議降級調用降調捐復京察入於計典降級調用之各項人員補用一人

其後出之第六第七等缺均應留准其接連第

二第三留缺照前補用遇有時留缺班次無人

應即作為咨缺按咨缺選補並有時咨缺班次

無人若第一咨缺無人即改補其次咨缺應補

之人若其次咨缺無人即改補又其次咨缺應

補之人若又其次咨缺無人即改補再一班第

一咨缺應補之人此項正班無論計至第幾咨

缺均應與各項應補咨缺人員通計先後補用
儻此項正班與各項應補者均無人卽選陞俸
深委署主事或贊禮郎一人以上咨缺無論選
用何項人員若奉

旨補用者通按奉

旨日期先後題准補用者通按題准日期先後同日

奉

旨題准通按名次之先後留缺無論選用何項人員

通按奏留日期先後同日奏留通按到署日期
先後同日到署通按科分甲第名次先後均以
在前者先補後者次之

嘉慶九年出有府屬經歷一缺因經歷與主事
品級相等

奏准將奉

旨以宗人府主事補用之宗室玉慶坐補

嘉慶十三年吏部咨稱本部將戊辰科中式宗

室繙譯進士榮宥等帶領引

見奉

旨宗室繙譯進士榮宥榮敏俱以主事卽用連廣著分部學習欽此查定例奉

旨卽用人員無論雙單月不入班次卽行選用繙譯進士分部照文進士之例辦理除連廣籤掣吏部行走外其榮宥榮敏應歸宗人府銓補

嘉慶十六年據吏部文稱本部將辛未科中式

宗室繙譯進士奕定等帶領引

見奉

旨奕定恩喜榮鳳以主事用欽此查定例奉

旨補用人員無班可歸者不論雙單月無論題選五

缺之後以各部院衙門主事選用今奉

旨以主事用之宗室繙譯進士奕定等三員應歸宗人

府銓選

道光元年三月吏部覆准前任副理事官緣事

欽定宗人府則例 卷一百一十五
降食六品俸七品筆帖式宗室煥誠奉

旨以主事用應如何計缺補用煥誠應否先行開缺查

定例滿洲官員奉

旨補用人員歸於不論雙單月無論保題陞選一併

計算五缺之後選用一人又煥誠奉

旨以主事用應歸於五缺後選補俟該員到班引

見奉

旨後卽開筆帖式之缺

道光三年因補用主事人員同時到班應如何
選用之處例案無可遵循謹酌定銓用之法

奏明

欽定以便遵循而昭法守臣等詳查例案公同酌議得

臣衙門題缺係例應臣等出具考語保題未便

以各項候補人員補用除例應對調及俸次將

陞經臣等出具考語奏留以資熟手者與別項

奏留人員有間例應題選通補仍照例補用外

其餘奏留人員並候補各項人員均不得補用
題缺遇有題缺缺出擬請專於臣衙門委署主
事內擇其勤能者照例保題遇有選缺缺出擬
請比照吏部咨留之例咨一留二咨一再咨一
留二是為一班週而復始除奉

特旨賞以主事儘先用者無論咨留之缺均應儘先
補用不算已過咨留之本班此外如補用第一
咨缺查三庫檔房年滿與調京之員均係調缺

例應陞不壓調應行先補其次之留缺請照原
奏均挨次補用本衙門各項奏留人員其次之
咨缺擬請補用奉

旨指明以宗人府主事用之員又其次之咨缺擬請
補用五缺後到班之員如留缺缺出無奏留人
員仍即歸選照咨缺銓補如咨缺缺出無三庫
檔房年滿及調京人員即請補五缺後到班之
員如亦無五缺後到班人員即選用俸深之員

再三庫期滿與調京者同日則按其奉

旨日期先後補用同日奉

旨則按其到署日期先後補用同日到署則按其俸

次補用如奏留人員同日奏留則按其到署日

期先後補用同日到署則按其科分甲第先後

補用如五缺後各項人員同時到班者亦按其

奉

旨日期及其科分名次先後補用如此酌擬銓補之

法既免滋弊又便遵循而各項候補主事人員亦得挨次均邀錄用以歸公允等因具

奏奉

旨依議欽此

道光四年十月吏部覆准左中允宗室德崇右

庶子宗室景麟由大考降調奉

旨以主事補用應如何計缺補用查定例滿洲官員奉

旨補用人員歸於不論雙單月無論保題陞選一併

計算五缺之後選用一人又此項人員准其照漢員之例先行分部行走各等語查本部銓選奉

旨補用人員如有二三人同案奉

旨者積至五缺後用名次在前一人再積五缺後用

其次一人今宗室德崇景麟同日奉

旨以主事用應按照原奉

諭旨名次先後補用

道光十年

奏准庶吉士散館改用部屬籤分各衙門額外主事上行走人員如已經奏留即不歸選應以奏留日期與各項奏留人員比較補用

道光十一年五月吏部覆准文進士繙譯進士廕生三項額外行走或三年或二年期滿業經奏留應如何挨次補用查定例滿洲文進士繙譯進士二品廕生分部奏留例應通較奏留日

欽定宗人府則例 禮部
期先後補用

道光十八年

奏准贊禮郎選陞班次遇有府屬各缺經歷主事部屬各缺主事缺出各項應補無人與委署主事統計俸次先後一體陞用

附載舊例

嘉慶十三年出有府屬選缺經歷一缺因有保留以選缺經歷及主事補用之二品廕生宗室

者英一員又有奉

旨以主事即用之宗室繙譯進士榮宥榮敏二員應先補用何項人員之處行查吏部旋據吏部覆稱查各部院衙門各項選缺如本衙門有奏留人員准其扣留奏補如無奏留人員即行歸選今宗人府所出選缺經歷一缺既有奏留人員准其扣留補用至奉

旨即用之員應俟宗人府及各部宗室主事缺出如

各該衙門無奏留人員不入班次即行選用

嘉慶十五年出有府屬選缺主事一缺查有奉

旨以主事即用之宗室繙譯進士一員又年滿應行調

京之

東陵承辦事務衙門宗室主事一員又降級調用者一

員其應補何項之處行查吏部覆稱應照定例

先儘調京次用即用其調京人員無庸與各項

即用人員比較日期先後至緣事降調者不得

先行補用

嘉慶十六年出有府屬題缺主事一缺查有奉

旨加恩賞給宗人府主事當差行走之宗室玉昌一員

應否即將玉昌坐補之處行查吏部據吏部覆

稱查定例奉

旨指明以何衙門補用及奉

旨指定以何衙門司員行走者不論雙單月遇缺准

該堂官奏請補用如有應歸月選之缺亦准照

例銓選又本部奏定章程奉

旨指明以何衙門主事補用人員遇有題缺先儘補

用等因咨覆前來由府

奏准將玉昌坐補題缺主事

一補用部屬宗室主事亦以按咨留班次補用者

為正班

原註此係本府 奏明各部 宗室主事班次故為正班

凡吏禮刑工四部宗室主事各以四缺為一班

首出者為第一缺次見者為第二缺再見者為

第三缺遇有此先出之三缺均准由部各以奏

留人員補用

原註如遇出缺時該部現無奏留 宗室人員應由部將所出之缺咨

出歸選由府通按正班應補與各項應補咨缺 人員計算以到班合例者補用一人若各班無 人陞選俸深一人均不得算已過本府正班之 缺亦不得積該部留缺之數應俟該部留足三

欽定宗人府則例

缺後再行咨出一缺始第四缺出截留歸選作

作為該部正班咨缺為咨缺由府將奏准應補府屬咨缺正班人員

並各項應補咨缺人員統計先後按班選補如

正班與各項應補者均無人由府將委署主事

並應以主事用之贊禮郎二項較俸陞選一人

道光三年三月十五日宗人府酌議吏部禮部

刑部工部奏留人員遇本部宗室主事缺出亦

不得全行留補應請比照吏部截留歸選之例

因具

奏奉

旨依議欽此

止准留補三缺第四缺缺出之時即咨明臣衙

門亦照咨缺銓補不得算已過臣衙門咨缺等

因具

奏奉

旨依議欽此

欽定宗人府則例 吏部院宗室主事

一 迴避人員通補各衙門各缺

原註照吏部迴避人員不入班次即

行選用

凡宗室補授部屬主事有遵照部例迴避離任回旗候補者應以府屬各缺經歷主事別部各缺主事遇缺通補此項人員若與正班調補人員同時到班應按奉

旨或候補各日期先後比較補用若與正班應補並各項應補人員同時到班應即補用

宗人府官員缺出

宗人府官員缺出

宗人府官員缺出

宗人府官員缺出

宗人府官員缺出

一庶吉士散館未經奏留人員計數通補各衙門

原註此係本府奏准宗室庶吉士散館
改用主事未經奏留人員應補各缺班次

凡宗室由庶吉士散館改用主事籤分各衙門

額外行走未經該管堂官奏留者應以府屬各

缺經歷主事部屬各缺主事按散館引

見奉

旨之日起通行計算至第三各缺補用一人此項人

員若與正班調補人員同時到班應先選用調

補人員若與正班應補並各項應補人員同時
到班應通行計算先後比較補用又此項人員
不准接連截補應以名次在前之人補用後始
准給其次之員計算再至第三咨缺方得照前
與應補咨缺人員再行比較先後補用

道光十年十一月十九日由府謹

奏為請

旨事查現有庶吉士散館改用部屬籤分臣衙門額外

主事上行走之宗室華德一員籤分吏部額外
主事上行走之宗室奕書一員均係未經奏留
人員臣衙門奏准咨留條例留缺專以各項奏
留人員補用咨缺始行歸選此項人員如何補
用之處咨查吏部據吏部覆稱庶吉士散館分
部奏留例無年限無論奏留與否例應以該員
從前到部日期與各項奏留人員比較日期先
後補用其未經奏留以前仍歸本部按班銓選

如業經奏留即專候本衙門之缺不歸部選等語是此項人員未經奏留以前各留均應選補而宗室額缺無多以一人而占兩項班次未免過優又查臣衙門則例內載嘉慶十四年奏留庶吉士散館改用部屬計算宗人府各部宗室選缺經歷及主事第三缺缺出補用等語若按此例計缺除留缺不應選補外現出之各缺華德應行到班選用惟臣衙門於道光三年奏准

將選缺經歷主事比照吏部咨留之例留缺專

以臣衙門奏留人員補用各缺始行歸選如將

庶吉士散館人員按照舊例計缺選用則三庫

檔房年滿及調京人員從前均係遇缺即選之

員因各項候補人員壅滯今改為第一咨缺選

用而庶吉士散館人員若仍照舊例選用覈與

現定咨留條例似屬兩歧臣等咨查吏部所有

選缺計缺人員其留缺應否計算據吏部覆稱

數缺人員概不計算留缺等語臣等擬請嗣後庶吉士散館改用部屬人員未經奏留者專以咨缺計至第三缺補用一人不准補用留缺如已經奏留即不歸選應以奏留日期與各項奏留人員比較補用此項人員計缺如均按奉旨日期各計各缺又有連截咨缺之弊而別項應補咨缺人員又無銓選之期應請嗣後庶吉士散館分部人員內如同日奉

旨應以名次在前之員先行計缺補用後再給其次之員計缺總按散館年分在前人員選用後再給以後散館人員計缺如計缺在前人員遇有別項事故准以其次之員於奉旨之日起接算計缺補用如此酌擬似與各項銓選人員不致偏枯而與原定咨留之例亦相符合等因請

旨恭候

命下之日臣等欽遵辦理並請歸入咨留定例以便遵
行為此謹

奏奉

旨依議欽此

附載舊例

嘉慶十四年吏部額外主事宗室惠端係由乙

丑科庶吉士散館奉

旨以部屬用籤掣吏部行走緣事降級調用嗣經捐復

原官准吏部咨稱查定例庶吉士散館奉

旨以部屬用者歸於雙月以主事陞班二缺後用仍

先令分部在額外主事上行走如有熟練部務

者遇有本部缺出准該堂官保奏補用惠端應

照分部進士捐復之例仍令在本部行走其按

班銓選之處由宗人府辦理俟補缺後照捐納

例試俸三年方准陞轉等因移咨到府因宗室

選缺無多向無單月雙月之分

奏准嗣後庶吉士散館改用部屬並捐復原官者

俱計算宗人府各部宗室選缺經歷及主事第

三缺缺出帶領引

見補用捐復人員試俸三年方准轉陞

原註十五年惠端已屆第

三缺是時有以主事即用之繙譯進士宗室定

任一員因惠端計缺在定任奉

先將惠端補用嘉慶十七年因在府額外主事上行走之宗室

崇碩係由已巳

恩科庶吉士散館奉

旨以部屬用籤掣宗人府應照例挨名計缺選補查該

員自到府行走以來於一切差務俱屬奮勉留

心人尚明白堪以造就惟庶吉士散館分部者

行走幾時方准奏留之處並無例案可循行查

吏部去後旋據覆稱查滿洲庶吉士散館分部

奏留例無年限如經奏留與各項候補人員按

奏留名次先後補用又本部前任主事和桂於

嘉慶十三年五月由庶吉士散館分部籤分吏部本部即於是年十一月奏請留部補用在案等因咨覆前來查和桂在部行走半年既經奏留該部補用今崇碩由庶吉士散館到府行走已逾一載請將該員留於衙門行走俟有選缺經歷及主事缺出按照奏留日期先後與各項應補人員挨次

奏補謹將崇碩帶領引

見請

旨奉

旨崇碩著准其留衙門以經歷及主事補用欽此

欽定宗人府見例
推官

此次更改

一題准議敘人員插班截補各衙門各缺原註照吏部插

班截缺人員應積咨缺之數不積銓選正班例

凡宗室人員由各館議敘有奉

特旨指明以何項缺分即行陞選者應遵

旨遇有應得各衙門各缺即行補用特保儘先陞用者亦如之若遇

缺即補者應查議敘人員分別補缺專條此外不准即補若有題准

無論咨留幾缺後補用者又有題准以第幾缺

補用者亦不准截補留缺均應按題准缺數通

題准議敘人員插補各衙門各缺

欽定宗人府見例

欽定宗人府則例 卷一百一十五
計各衙門各缺插班截補所補之缺准作為各
缺補用不得作為過各缺正班俟再遇各缺仍
接前補之正班計算

道光十年十一月十九日由府謹

奏為請

旨事查道光三年三月內臣衙門奏准選缺經歷主事
比照吏部各留之例各一留二各二留二為一
班內留缺四缺專以臣衙門各項奏留人員挨

次補用各缺三缺第一各缺以三庫檔房年滿
與調京人員補用其次之各缺以奉

旨指明以宗人府主事用之員補用又其次之各缺
以五缺後到班之員補用其吏禮刑工四部宗
室主事缺出比照吏部截留歸選之例准其留
補三缺後第四缺各明臣衙門照各缺銓選不
算已過臣衙門各缺等因奏准在案於道光三
年三月內出各缺經歷一缺係第一各缺即以

三庫檔房年滿之候補主事宗室翔鳳選補五年十二月內出缺主事一缺係其次之各缺應以奉

旨指明以宗人府主事用之員補用因彼時有議敘題准無論各留兩缺後插班選用之宗室興年到班截補八年三月內出缺經歷一缺又有議敘題准指明以第二各缺選用之宗室奕毓到班截補今臣衙門出有各缺主事一缺若按

七缺一週計算已用過各缺三缺則應用第一各缺三庫檔房年滿與調京人員現在三庫檔房年滿無人應以

盛京禮部主事年滿調京之宗室常咸選用如將興年奕毓由議敘插補各缺二缺不算已過各缺之班則應用第二各缺正班人員因臣衙門自奏准各留條例以後並未辦有插班截缺如何過班成案各查吏部覆稱凡插班截缺人員

應積各缺之數不積銓選正班俟下次有缺時再行接用正班並無何缺指定以何項人員選用之例等因臣等擬請嗣後無論臣衙門各缺及各部各缺均按臣衙門所定各缺班次按班輪流選用凡遇有插班人員比照吏部插班之例應積各缺之數不積各缺正班今此一缺除興年奕毓由議敘截補各缺二缺不計外查上次已用過第一各缺正班人員現出之各缺應

接用第二各缺奉

旨指明以宗人府主事用之員補用查此項班次現無應補之人應行過班應請接用第三各缺即以無論題選五缺後選用各缺之員補用似此酌定銓選庶插班與正班均無窒礙等因具

奏奉

旨依議欽此

此次纂入

應添入

一議敘人員分別補缺專條

凡宗室由各項議敘特保指明以題缺即補者
 自應專截題缺指明以選缺即補者自應專截
 選缺奏准以理事官副理事官無論題選遇缺
 即補者遇有缺出無論題選插班截補奏准以
 經歷主事無論題選咨留遇缺即補者若遇有
 缺出無論題選咨留應即插班截補均不積各
 本班其僅保以遇缺即補者遇出選缺即行截

欽定宗人府則例

卷四

此次纂入

滿堂滿宮此門應添入

一議敘人員分別補缺專條

凡宗室由各項議敘特保指明以題缺即自應專截題缺指明以選缺即補者自應選缺奏准以理事官副理事官無論題選即補者遇有缺出無論題選插班截補奏經歷主事無論題選咨留遇缺即補者若缺出無論題選咨留應即插班截補均不本班其僅保以遇缺即補者遇出選缺即

欽定宗人府則例

受官

議敘人員分別補缺專條

補若係經歷主事無論咨留者應與遇缺即補人員同按奉

旨前後挨次補用仍不積咨留之本班其保以儘先升用者應照奉

旨指明以何項缺分即行升選之例遇有應得各衙門咨缺儘先截補亦不積本班不准截補留缺至議敘人員奉

旨指明以何項缺分升用者仍照舊例先選正班俸

深一人次截選缺正班補用議敘一人亦不准截補留缺以上各條均按特保奉

旨之日為始補用

同治八年九月由府夾單具

奏議敘人員補缺章程舊例未備擬請分別續入以免互相牽混辦理兩歧也查臣衙門舊例題准議敘人員補缺向有專條而特保護敘人員補缺尚有未備蓋因同案議敘題准與特保者

有聞如臣衙門恭修國書翰林科舉

玉牒當差出力人員列入一二等議敘者由部題准以

第幾缺補用其應如何插班截補向由本府覈

辦是以舊例載有專條其尤為出力夾單特保

者既經奏准如何補用自應遵

旨截缺是以從前並無定例近來議敘人員不止

玉牒館一項或襄辦典禮或當差出力或遵例報捐各

項議敘原有不同而補缺章程舊例未備現在

除升不歷調專指出差年滿陵缺調京

不在內應以特保無論題選指理事官副與無論

題選咨留者指經歷主先補而遇缺即補者次

之儘先升用者又次之奉

旨指明以何項缺分即行升選者更次之奏准以何

項缺分升用者應在題准等第議敘之先捐輸

議敘應在勞績議敘之後如勞績議敘計缺已

足與捐輸議敘計缺已足到班應補者不止一

人應照插班截缺之例挨次間補若議敘相等
應按奉

旨先後補用同案奉

旨應以奏定名次先後補用至委署主事筆帖式向
無選缺如有勞績議敘特保者遇有缺出仍照
舊章按奏准名次無論何項人員到班應補總
以特保人員挨名截缺補竣然後再補到班應
補人員其議敘題准第幾缺補用者無論幾人

若不分別纂為定例特恐將來無例援案不論
勞績與捐輸題准與特保而統以議敘二字該
之或將題准人員混入特保議敘則補缺便早
或將特保人員混入題准議敘則補缺便遲互
相牽混必致前後辦理兩歧種種弊端不可枚
舉臣等公同酌擬除各館題准議敘人員其應
如何補缺舊例原有專條惟有補註詳明無庸
另纂外其捐輸議敘人員補缺應照從前奏定

章程纂辦續入至各項議敘特保人員補缺擬

請嗣後指明以題缺即補者自應專截題缺指

明以選缺即補者自應專截選缺如有奏准以

理事官副理事官無論題選遇缺即補者自奉

旨之日為始遇有缺出無論題選應插班截補不積

題選本班奏准以經歷主事無論題選咨留遇

缺即補者自奉

旨之日為始遇有缺出無論題選咨留應即插班截

補不積題選咨留之本班其僅保以遇缺即補

者自奉

旨之日為始遇出選缺即行截補若係經歷主事無

論咨留插班截補仍不積咨留之本班本府向無專保

無論咨留者即如加出無論咨留字樣應與遇缺即補人員同按奉旨前後挨次補用

其保以儘先升用者應照奉

旨指明以何項缺分即行升選之例自奉

旨之日為始遇有應得各衙門咨缺儘先截補亦不

積本班不准截補留缺至議敘人員有奉

旨指明以何項缺分升用者仍照舊例先選正班俸

深一人次截選缺正班補用議敘一人亦不准

截補留缺以上自遇缺即補以及指明以何項

缺分升用四項議敘如係本衙門當差人員遇

出題缺自應照例一體揀選酌量升用其外衙

門人員不得入於揀選

蓋因題缺專為鼓勵本衙門當差出力人員

儻遇應選缺出各項議敘人員均值應補之時

按題准名次計缺已足遇有缺出即將第一名

者插班截補其次者另行計缺以次遞推均應

不積本班再近來各項議敘欲早補缺迭增名

目查宗室人員升途無多與別衙門滿漢司員

不同保舉之名目愈增補缺之滋弊愈甚擬請

明定章程嗣後各項勞績議敘特保人員只准

保以何項缺分升用或何項缺分即行升選或

儘先升用或遇缺即補或何項選缺即補或何

項題缺即補若外衙門當差人或無論題選與
無論題選咨留遇缺即補或俟補缺後以何項
應升之缺如何補用即使尤為出力止准免補
一層若以外別添名目應由臣衙門駁回另行
覈獎如此分別續入則例庶各項議敘不致牽
混而辦理補缺亦皆有所遵循也

